

# 北洋官報

目錄

宮門抄 上諭

奏請○軍機處奏實錄館咨取摺件檢冊章程摺  
 錫等奏哈爾濱道請實授摺  
 鄂督陳奏籌辦印刷官局摺  
 蘇撫瑞奏請獎捐款興學摺  
 東撫孫奏請議局經費摺  
 公牘○督憲札一件  
 江督札一件  
 吉林民政司呈一件  
 文告四則  
 △電報六則  
 △新聞十二則  
 彙編○江蘇鹽捕營引鹽禁約章程  
 △山西諮議局籌辦處簡章

本局第一百八期 法政學報 現已出版

## 宮門抄

七月初四日 外務部 欽天監 侍衛處值日 張中堂續假二十日 葛寶華續假十日 召見軍機

外務部遞封奏二件又代遞楊樞奏摺二封錢恂奏摺一封

## 上諭

七月初四日內閣奉

上諭大學士張之洞因病續假朝廷實深廩系著再賞假二十日安心調理假滿即行銷假照常入直欽此

## 奏議錄要

軍機處奏 實錄館咨取摺件檔冊酌定收發章程摺

奏爲酌定收發摺件檔冊章程以昭慎重恭摺具陳仰祈 聖鑒事查軍機處逐日錄出清漢摺報及所奉清漢

諭旨檔冊等均收存 方略館大庫備查每屆恭修 實錄由該館隨時咨領敬謹編輯後陸續繳回歷

經辦理在案本年二月奉 旨纂修 德宗景皇帝實錄據該館咨稱同治十三年十二月初五日起各項

書籍即陸續檢齊以備咨取等因前來伏思 德宗景皇帝御極三十四年變法圖強維新政治所奉

諭旨尤多綜計錄存各件及一切檔冊卷頁紛繁軍機處與 實錄館互相交涉稍不詳慎難保無遺失短缺

之虞自應妥定章程以嚴收發而昭周密臣等公同商酌此次 實錄館咨取時擬先飭軍機章京等將錄出

摺奏每日若干件檔冊每本若干篇另立一冊開載細數照數點交承領之人接收清楚應令畫押再行領去將來

繳回時仍由該軍機章京等照數點收如有短少即咨由 實錄館查明補繳以專責成臣世續臣張之洞臣

那桐均蒙 恩簡派 實錄館差使應如何督飭該館提調等官嚴定規條各專經手之責期無遺失短缺

之處當與各總裁官悉心會商妥籌辦理所有臣等酌定章程緣由謹繕摺具 奏伏乞

皇上聖鑒謹 奏宣統元年七月初一日奉 旨依議欽此

東三省總督錫良吉林巡撫陳昭常黑龍江巡撫周樹模奏哈爾濱道施肇基試署年滿請實授摺

奏爲道員試署年滿懇 恩准予實授以資治理恭摺仰祈 聖鑒事竊署哈爾濱道施肇基經前督臣徐世

昌等奏請試署是缺並聲明如能勝任再行奏請實授於光緒三十三年十二月二十四日奉 硃批著照所

請該部知道欽此欽遵在案查哈爾濱道一缺居吉江要衝中外人民雜處交涉備極繁難該員施肇基器局闊深

才長心細前在美國留學年久深通美法兩國語言文字諳習法律任事血誠自抵署任以來已及一年辦理內政

外交悉臻妥協該員尤爲熟悉情形正資得力臣等留心察看實堪勝任相應仰懇

天恩俯准以該員施肇基

補授哈爾濱道缺俾資鼓勵除咨部查照外謹合詞恭摺具陳伏乞

皇上聖鑒訓示謹 奏宣統元年六月三十日奉 硃批另有旨欽此

### 湖廣總督陳夔龍奏籌辦刷印官局大概情形摺

奏爲籌辦鄂省刷印官局現已成立謹將大概情形恭摺具陳仰祈 聖鑒事竊維中國刑律首嚴詐僞一門而

自來詐僞之作用尤以書契文字爲最廣其所以得肆其欺者大都由於程式之無定與夫版權之不專故刷印一端雖屬營業性質而程式雜則稽核無憑版權紛則範圍無術其有關於政治者甚大即按舊日法規而論亦宜爲窮變通久之謀况今憲政實行豈可無畫一整齊之道固不獨經營餘利爲籌款問題已也前者度支部有鑒於此業經參考東西洋各國辦法奏設中央刷印局其後各直省如廣東江南河南江西亦經先後開辦鄂省輪軌交通五方輻輳一切公私文牘流行日廣尤非將刷印事務收歸官辦不爲功臣上年到任後悉心考察湖北原設官報局平時刊刷官報本有刊字印機並派有員司經營以之量加推廣兼辦刷印自屬事半功倍當經查有奏調差委河南存記道吳肇基前在河南署臬司時創辦刷印以餘利爲改良監獄之用頗著成效業經前豫撫臣林紹年奏明有案因派該員爲湖北官報刷印局總辦督飭員司研求印務添購機器並將附近該局民房數間及基地數處飭縣勸明估值圍購增修廠屋現已將次落成印刷機料大致完全發行用品次第籌備擇於本年六月初一日開辦所有刷印紙品分官用民用兩種官用品如糧串票三聯契紙稅捐票及一切由官發行之紙卽由局查照向章酌定價值通行各署局領用民用品中之狀紙買賣契紙亦由局定價飭各屬一概行用局紙不准攙雜其婚帖當票借券合同股票及一切商業通用之品則由局妥定格式陸續舉辦如商民情願領用卽按照工本計值發給創行之始但求漸開風氣不遽強以所難該局辦事章程劃分庶務文牘會計編校印務五科各設科長科員督率司事及技司工匠人等守定權限認真經理所需經費除原有鉛字印機三副外現經添購各種機器十餘副及印石照字鏡水鍋車軸皮帶一切配副等件約共需銀一萬三千餘兩添購地址增建廠屋約共需銀一萬五千餘兩另備活本銀二千兩作爲購辦紙張材料之用計共撥用官不銀三萬兩應俟印品發行獲利漸豐卽由餘利項下陸

續提還儻購辦紙料或有不敷仍暫向官錢局息借藉資周轉此鄂省籌辦刷印事務之大概情形也據總辦湖北官報刷印局道員吳肇邦會同藩學臬三司善後統捐兩局會詳請 奏前來臣覆查官辦刷印誠爲今日要圖此次鄂局成立外握一省之機關而內卽助中央之規畫先順民情之習慣而後終歸法律之範圍實於新政前途隱有裨助至所用款項查江南刷印廠共需創辦經費銀六萬餘兩營業活本銀二萬兩鄂省現僅用銀三萬兩委係諸從撙節實用實銷臣仍當督飭該局周諮善法切實擴充以期要政推行毫無阻礙所有籌辦鄂省刷印局現已成立緣由理合恭摺具陳伏乞

皇上聖鑒訓示謹 奏宣統元年六月三十日奉 硃批知道了欽此

江蘇巡撫瑞澂奏籍紳華鴻模捐款興學請移獎摺

奏爲紳士捐款興學援案懇 恩移獎以示鼓勵恭摺仰祈 聖鑒事竊查接管卷內據蘇州提學使樊恭煦詳據金匱縣詳准錫金勸學所移稱預備立憲以普及教育爲先務惟興學首重籌款現在經濟困難僅恃官立學校勢難普及非賴紳商捐設不足以資補助茲有該縣蕩口鎮紳士三品封典知府銜候選同知前內閣中書華鴻模於光緒三十一年分在本鎮創設果育兩等小學校不收學費經省視學員蒞校調查規模宏遠辦理合法本屆舉辦畢業學生均能合格爲民立學校不可多得者查該紳於設立學校之前首以資遣游學養成師資爲入手辦法計用銀一千四百兩開校時購置書籍圖畫器械標本計用銀一千九百兩又捐置坐落無錫縣境邇字堆棧一所計契價工料共合銀二萬二千兩過立學校戶名租息抵充經費先後共捐銀二萬五千餘兩如此慨捐鉅款獨力興學洵屬熱心公益求之近今不可多得自應照章請獎以昭激勸由縣詳司轉詳 奏請移獎華鴻模之孫分部郎中華士巽以道員不論雙單月分省補用姪孫監生華士鼎以郎中不論雙單月分部學習俾資觀感等情到前撫臣陳啓泰未及核辦留交前來奴才查奏定學堂章程內載一人捐資較鉅者由督撫奏明給獎等語前據海門廳紳士光祿寺署正銜候選訓導沈沈雙鈞偕其子中書科中書銜試用訓導沈書升捐助學堂經費銀一萬兩又海州紳士候選詹事府主簿劉楫卿捐銀一萬二百餘兩又安徽紳士開缺准揚海道蒯光典捐銀一萬五千兩均經兩江督臣端方會同前升撫臣陳夔龍前故撫臣陳啟泰先後奏請將試用訓導沈書升以知縣卽選候選詹事

府主簿劉楫卿以知縣歸部儘先選用並請將開缺淮揚海道蒯光典捐銀移獎其姪雙月先選用知縣蒯壽田以  
郎中分部學習其子監生蒯孝先以主事分部學習均奉 硃批著照所請該部知道欽此欽遵在案今金匱

縣紳士華鴻模慨捐鉅款創辦學校先後併計捐銀二萬五千餘兩洵屬熱心教育見義勇爲較之沈書升等所捐  
之款爲數更鉅核與捐例銀數有盈無絀與奏定學堂請獎章程亦屬相符合無仰懇 天恩俯准將華鴻模之

孫分部郎中華士巽以道員不論雙單月分省補用姪孫監生華士鼎以郎中不論雙單月分部學習俾照激勵除  
將圖冊咨送吏學兩部查照外謹會同護理督臣樊增祥恭摺具 奏伏乞

皇上聖鑒訓示謹 奏宣統元年六月二十九日奉 硃批著照所請該部知道欽此

署山東巡撫孫寶琦奏豫算諮議局常年經費摺

奏爲酌定山東諮議局常年應需經費數目核實豫算恭摺仰祈 聖鑒事竊查接管卷內據諮議局籌辦處兼

理地方自治籌辦處詳稱諮議局章程第十章第五十三條內開諮議局經費由督撫籌指專款撥用其款目一爲

議員旅費二爲議長副議長及常駐議員公費三爲書記以下薪金四爲雜費五爲豫備費又五十四條內開前條

公費及薪金數目由督撫定之各等語查本年九月初一日爲諮議局成立之期現在各屬復選已畢舉定議員定

於七月初十日一律齊集省會豫備屆期開局所有各項常年應需經費自應豫爲籌定備撥動支迭經司道公同

會核遵章擬訂計旅費一項按山東全省議員額數連同旗籍共一百零三名除議長副議長常駐議員外應給旅

費者八十三名照章常年會每年召集一次並豫備臨時會通常均算酌中核定每人祇給旅費一百九十九兩每年

共應需銀一萬五千七百七十兩至公費一項議長總理全局事務職務繁重自應從優酌給每月擬定一百五十

兩副議長有協理全局事務責任公費亦宜稍優每月一百二十兩均不另兼他事常駐議員除地方官廳內各項

職務概不能兼外如向有學務差使仍准兼任每月各五十兩綜計議長一人副議長二人常駐議員十七人每年

共應需銀一萬四千八百八十兩薪金一項書記長一名擬定月薪五十兩書記四名月薪各二十兩並局員膳費

書役工食以及各項雜費每年約共需銀五千零七十八兩以上各項連同常年臨時會費及豫備費合計每年約

共需銀四萬兩皆係核實豫算無可再省應在藩庫照章指撥專款作正開銷以備諮議局成立之後由該局分季

支領備用至諮議局建築房屋經費一節前經估定銀四萬兩現在樽節動用約計尚有贏餘擬即撥作該局開辦之費不另籌款俟工竣再行造冊具報等情詳請分別 奏咨到前撫臣未及核辦移交前來臣覆加查核議長副議長不能另兼他事故所定公費視議員爲優議員爲名譽職故但籌給旅費常駐議員僅准兼學務差使於立法行政界限尙明所擬均屬周妥除將諮議局常年應需經費數目開列豫算表咨送憲政編查館及度支部查照外理合恭摺具陳伏乞

皇上聖鑒謹 奏宣統元年六月三十日奉

硃批該衙門知道欽此

公牘錄要

督憲端據礦政調查局詳酌擬禁止鄰礦入直充銷辦法咨請河南山西撫院查照文

爲咨會事查接管卷內據礦政調查局詳稱現奉憲台批開據詳已悉疏礦係製造火藥必要之原料職商都爾蘇所辦宜懷礦礦若由他商接替設或經理不善將來展轉授受稽查稍有未周貽害實非淺鮮該道擬由局籌款改爲官辦係爲慎重軍火起見所籌甚是惟該礦不振之故既由於鄰礦充斥請將鄰省之礦不准入境充銷仍准過境轉運並由產礦省分將經行各處先行咨明以便查驗各節應先由該局妥叙詳文請咨 山西河南撫院核覆一面並將該礦所產礦斤是否果各局所製造之用確切研究俟安定後再行籌議可也繳等因奉此職道紹基筠孫等詳查宜懷礦開辦時本尙有利現在該礦折閱之由實以晉豫礦斤充斥之所致於光緒三十三年以前鄰礦不准入直充銷該礦頗能獲利自上年晉豫礦斤准其入境本省礦斤銷路遂爲所侵職道等竊惟治貴大省界固不可顯分畛域但本省利源所在似當先事保全必其與本省權利無妨自可不加歧視今則本產銷路全無勢已喧賓奪主似應加以限制庶昭大公查此案前於光緒三十三年奉前升憲袁批飭查礦礦乃製造軍火必要之原料若不嚴密稽查設被匪人所購貽害實非淺鮮直省宜懷等屬開辦礦礦曾經明定烙印給票章程以杜混購濫銷等弊晉礦來津銷售並未准晉省將章程咨直有案無從查考恐滋流弊候咨 山西撫部院查照嗣後晉產之礦勿再入直充銷直省之礦亦不准充銷入晉又奉前憲楊批查晉豫兩省疏礦來直濫銷設有奸商私售匪人貽害誠屬非輕候飭布政提法兩司通飭所屬地方官認真稽查如有私礦過境卽行分別扣留或押令出境

以清界限而杜隱患並候分咨 河南山西撫部院查照繳各等因是鄰礦入直充銷有侵本產權利早在前憲洞鑿之中職道等公同商酌應仍遵照辦理而略爲變通鄰省之礦雖不准入境充銷而仍准其過境外運第須先由產礦省分將經行之路詳細咨行沿途經過地方爲之護運放行查禁酒賣如此則本產銷場不爲鄰產所侵而鄰產運道亦不因本產而阻庶商人無虞折閱鄰封亦免責言矣職局爲保全本省利益起見是否有當理合具文詳請憲台俯賜查核轉咨 河南山西撫部院查照辦理實爲公便等情到前署大臣移交到本大臣據此除批據詳宣懷礦礦現議改歸官辦鄰省所產之礦擬請申明前禁不准在直境充銷其過境礦斤應先由產礦省分將經行處所先行詳細咨明轉飭沿途經過地方官查明驗放以期外販本產兩無妨碍事屬可行仰候分咨 河南山西撫部院查照飭遵繳印發外相應咨會 貴部院請煩查照飭遵施行須至咨者

護江督樊札甯藩司獎賞徐屬查禁煙種得力印委各員行司註冊文

爲飭行事查接管卷內據徐州道稟稱竊奉憲電開禁種罌粟由本部堂各派專員前赴徐屬州縣查拔飭道各委一員會同地方官切實辦理並發銀牌二百面交道遇有得力紳耆違拔種戶酌量賞給等因奉此遵即派委鹽大使汪經緯銅山知州周桂馨宿遷照磨董玉芝邳州巡檢方恂謙睢甯府經畢寶慶豐縣主簿戈肇萊沛縣府經張世芳蕭縣州判宋有秩碭山分往守候旋據方承悅魯來徐寶到憲發銀牌二百面到道祇領遵即酌發銅蕭碭三縣各三十面豐沛邳宿唯五州縣各二十面並職道製備戒煙生藥丸藥一同攜帶前往其時憲委各員陸續到徐會同州縣道委周境歷勘挨村查禁見有私種煙地雖在邊界崎零立即眼同拔棄凡有首先拔棄之戶即時賞給銀牌佩帶以獎其踴躍從事之善其有面露痼疾散給煙藥亦各欣領通屬一律查拔淨絕迭據各印委開摺稟報前來職道伏查自丙午之秋禁煙 詔下民間徃於十年之限牽利蹈習久則難變迨自上年憲台三次張示限年諭禁小民漸知醒悟又蒙遴員來徐分赴查驗遇有違種罪及董長益知儆畏冬月復遵電飭密查豐碭通行各屬各牧令罔不遵行是以此次查禁所至種植本已稀微拔棄實居少數計上四縣著名產土之地碭縣查煙拔地四頃餘蕭縣二頃餘豐縣四十三畝零沛縣九畝餘下四屬銅山縣六頃零併計皖東鄰壤在內宿遷縣七十四畝餘睢甯縣二十六畝餘邳州十畝餘足見地方官奉行尙力委員更復查驗認真得將三十年病根拔除淨盡堪以

仰副憲區除將出力印委請獎開摺另稟陳明外合肅稟陳等情當經端前部堂批示據稟該道所屬罍粟既已督同印委一律查拔淨絕具徵辦事認真深堪嘉許至另單所稱先時遵文查禁認真之邳州知州應牧署睢寧縣邵令署銅山縣藍令署碭山縣左令以及查辦得力之委員方承悅魯陳令仕揚陳令周慎按經歷任其焯等或朝夕勸導竭盡心思或風雨奔馳備嘗艱苦均屬著有微勞業經本部堂奏請傳 旨嘉獎蕭縣知縣劉令重堪意存

膜視未便姑容亦經奏請革職所有出力較次之樊丞炳煦陳令鳳蔚李令有架倪令文范等四員均如該道所請各給拔署一次以示鼓勵其該道委出各員准予擇九保給五品翎頂俟該道查取履歷至日再行核辦豐縣紳董皇甫冠邦銅山圩董陳思鐸鹿慶盤等請獎功牌應即照准候飭局刊印填發給領除行江藩司查照註冊外仰即分飭遵照此繳藥方存印發未及核辦移交前來合就行司希即查照分別註冊飭知此札

吉林民政司呈覆遵飭籌議測繪政事與圖請核示文並批

為呈覆事宜統元年五月二十四日奉憲台札開宣統元年五月十四日據陸軍叅謀處呈該司派員隨同兼測行政與圖窒碍情形籌擬變通辦法請示遵等情據此除批呈悉查軍事政事兩項與圖各有注重之要點而所派人員之職務軍政則重在測繪行政則重在調查各有專責原不能並務兼營所擬辦法簡便可行應准照辦民政司所派人員調查各項應如何與測繪隊分別辦法劃清界限仰候札飭民政司查議覆奪再行飭遵至該局測量後繪成草圖務須另備一分移送民政司以資考察是為至要抄由批發等因印發外合亟抄呈札飭札到該司即便遵照悉心妥議呈覆核奪切切特札計抄原呈一紙等因奉此查軍政重在測繪民政重在調查各有專責誠如憲諭原不能並務兼營惟政事與圖關係緊要現在添設各府廳州縣所有疆域戶籍以及荒蕪地畝均應從速調查以資經畫若由該處測量隊兼辦則必須七八年之久方能就緒實屬緩不濟急擬請憲台札飭該局轉飭測量隊除行軍地圖所應秘密者不必移送凡普通地圖所應標注均須考載測量一處即另繪草圖一份隨時送司俾資考證其餘行政上各要點仍由司委各員認真調查填注表格從速藏事庶幾於事有濟而款亦不虛糜矣所有遵飭籌議測繪政事與圖緣由是否有當理合具文呈請憲台鑒核批示飭遵須至呈者

督撫憲 批如呈辦理仰即妥叙堂稿呈候札飭遵照可也繳

## 文告錄要

學部批示○直隸舉人王雙岐呈民法原論請審定由 批據稟及書均悉查該書解釋法理綜實精析不獨爲講解日本民法者必要之書亦爲吾國研究斯學者參考善本譯筆亦能達意惟文氣語句直襲日本處多閱之殊苦費力法律用語誠不可輕爲更易至詞句之間但期不背法理與其條文之原意固未嘗不可使改而從我以便讀者除簽出各條外應大加改正併俟下卷續出後再行統呈審定可也此批

藩台牌示○已故試用從九品武鍾歧家人李玉稟請回籍路費 已據情札飭清苑縣核明詳辦矣仰該家人李玉遵照即行赴縣聽候辦理飭遵可也

保定警務第五局告示○爲出示曉諭事照得貢院街路南德源永麵舖出售白麵攪和玉米麵在內經本分局查出並將該舖掌傳訊供認不諱似此攪假漁利雖於衛生無碍究屬作僞欺人本應移送商務總會議罰示懲姑念該號成本微薄受罰不堪且深知愧悔情願取保具結永不再犯除勉從所請仍飭長警隨時查察外合行出示曉諭爲此示仰大小各麵舖一體知悉自此次出示之後倘再查有攪假漁利者定即移請商務總會罰辦絕不寬貸毋謂言之不預也切切特示

直隸女學堂試辦蒙養院招生廣告○照得本堂延定日本最優等女教員並保姆畢業女生試辦蒙養院於挑選育嬰堂女嬰外添招外生每日授課三小時暫不交費男孩以六歲爲限女嬰以七歲爲限先期到堂驗明取選俟彙齊後定期開學再行佈告

## 電報錄要

倫敦電○英政府前派瓦洛克爾氏爲駐地中海大臣以繼堪納德大公爵之任不過係暫時權攝擬派前駐印度陸軍統帥吉青納爾氏接充此任以便擴充軍政整頓防務并擬俟吉青納爾氏遊歷遠東回國後派爲籌辦邊防處議員以資臂助

又電○西班牙國巴斯林納地方人民反對戰事之風潮現已止息所有一切商務銀行以及各店均照常貿易  
紐約電○美總統戴夫德氏現往馬薩楚塞德比威萊地方居住以消永夏

又電○美國飛艇家懷德氏現在乘坐輪船由美國啟程赴德以便教授德人飛艇製造法  
又電○美國財政界報告日本由美國舊金山購定金洋一千萬元并約定兩月內運到日本  
東京電○日本岐阜彥根大阪濱松名古屋京都靜岡等處於西本月十四號地震甚烈

### 新政紀聞

政治

順天府復選舉竣事○順天舉行復選舉投票開票事宜至七月初四日已一律完畢矣

添設文報分局之計畫○總辦黑龍江全省文報事宜鍾晉珊觀察日前已將通省裁撤驛站添改文報分局分卡  
馬撥各項規模籌畫妥協共設分局四處每處設委員一名月支二十四兩司事兩名月支十二兩津貼火食在  
外其餘分卡不設委員僅設司事書識各一名所招馬撥因公家無款購馬均令自備馬匹每月除薪餉之外加  
放馬乾四兩整共分局分卡馬撥七十餘處常年經費四萬餘金各情形稟明督撫帥核奪聞周少帥以該總辦  
所定規模妥善經費亦訂立甚廉實在減無可減惟江省財政奇難不得不變通辦理擬將舊有之各驛站暫不  
裁撤仍行照舊辦理其餘之原無驛站之處亦應分別地方之繁簡公文之多寡酌量地勢情形何應緩設何應  
急設再為籌妥詳報批飭辦理云

武漢兩府議員名單○湖北武昌漢陽兩府復選舉均於上月十五日各在府署大堂投票武昌府屬實到投票人  
數共一百一十一人漢陽共七十六人同於十六日當眾開票揭示當選議員名單如下 武昌府 周學 胡  
文瀛 胡汝衡 金式度 詹次恆 黃文潤 鄧殷源 劉文俊 但祖蔭 劉懋德 王錫恩 漢陽府  
萬昭度 何世謙 胡栢年 密昌墀 黃贊樞 陶峻 陳宣愷 劉廣藻

學務

譯學生領文期限○學部因譯學館畢業學員至今尚有未領文憑者現定於七月初四日截止如過期不領即行  
註銷云

優級師範舉行期攷○京師優級師範學堂現屆第一年第一學期期攷前在該堂舉行攷試將所攷各科分數表

冊咨報學部備案矣

法政講習所舉行畢業○江南法政講習所乙班學員自去年春入所肄業迄今已按照部定新章扣足年半於暑假前攷試畢業茲於日前舉行畢業式是日自樊護督及藩學兩司及新政各局所總辦並各學堂監督蒞堂參觀者不下百餘員計取錄名數如左 最優等戴潤章等四名 優等高鐵珊等十三名 中等汪鉞等十八名

次等龐振乾等二十六名 修業戴長祿韓章二名

優級師範示期開學○湘省中路師範學堂博物數學兩班前經吳學使分科考試選取送入本省優級師範學堂肄業並於暑假後入堂出榜曉諭在案現該學堂訂於七月初一日開學所有新取各生務定六月二十七八九等日來堂報到並邀同正紳填寫保證志願各書即於開學後隨班聽講如至七月十五日尙不到堂即行開除已懸牌示諭矣

民事

批示警察改良事宜○湘省警察畢業生顧曹興具稟省台條陳警察辦法奉岑中丞批云所列十二條有係湘省當今急務有宜留爲緩圖者如編戶籍以備清查最爲要著凡百要政皆從此入手戶籍不清則無根據現准民政部咨送奏定章程已飭巡警道通行認真辦理次要則置交易場以清街市湫溢塵露亂如琴絲雖有最良之巡警不能理也由是而申煙禁繼之由是而禁賭博繼之庶可成效立見事半功倍以上四者皆次第辦到則下令以取締娼妓如流水之源矣至如消防隊現方極力振興違警律早已頒布警務服制已有通行定式委用員紳飭巡警道爲地擇人一乘至公特恐耳目或有未周稽查未盡情實當仍由巡警道切實整頓以饜人心衛生則已設專科俟經費稍裕便當推行憲兵必俟部頒有明文茲事體大不容參差若偵探隊則非警務設備完美未易先言恐利少弊多也各條陳仰巡警道酌核採用並轉飭該生知照

湘省籌辦水災荒賑○湖南巴陵湖水暴漲圍垸多被冲潰禾苗淹沒府縣義倉已悉數借放由該縣梁令請借省穀二千石以期有備無患蒙批准由縣備文派紳來省具領經過局卡准予驗照放行免完釐捐一俟省穀運到

應否即由縣酌量平糶以資接濟又武陵縣水災情形目前更爲可慘各鄉貧民竟有因飢餓不堪而鬻子賣女者甚有以兒女牽累甘心棄置聽人收養不取分文者該縣王大令已飭各街保查明郡城殷實各戶究竟倉廩存穀若干以便備價購出賑濟荒民又龍陽縣堤垸十潰八九災民多集縣城日前因發米平糶縣令幾爲饑民所窘常郡守親往該縣勸驗並爲設法籌賑勾留二三日始行返郡又岳州府自設局平糶以來經商會各紳董籌辦每日早晨限售三十石先至南嶽宮交錢買票再行持票赴局照數發米以免擁擠惟老弱幼稚以及婦女往往不堪其擾終屬買票爲難現經商會另爲設法每日於三十石之內提出二十石自九句鐘起至十二句鐘止專爲老弱幼稚婦女等發糶以期普及

實業

振興農桑之計畫○皖省所屬不下六十餘州縣兵燹以後官荒民荒未經開墾者甚多農民等夙於種植專科多未講求朱經帥當以農業爲富強根本特通飭全省府廳州縣作速興辦農林蠶桑實業各學校延聘諸練教員招生肄習各項科學一俟辦有成效再行推廣以開民智而裕民生

招集公司辦出品協會○廣東應辦出品協會迭經張安帥行知勸業道並面囑商界各巨紳趕緊籌辦南洋特派調查科長陶道到粵偕同廣東勸業公所伍申三君到商會竭力鼓吹各行商會兩次集商會會議張弼士京卿提議集股五十萬組織公司辦理出品協會將來賣買贏絀公司任之所得獎勵由公司代領轉給原主以公司之力搜集品物庶易齊全並可免商民之觀望衆皆贊成蓋歐美各國本有此辦法正任勸業道陳觀察及署任韓觀察均熱心此舉欲以官款十萬元爲之提倡將來官商合力辦理當能出色也

擬造飛船之計畫○廣東開平縣華僑余植卿擬造飛船稟奉勸業道批示謂前據余紳乾耀代呈飛船圖說前來本道當以製造飛船理法精微該監生既稱出洋數年研究頗有心得茲願擔任費用以資一試想自確有把握殊堪嘉尙余紳所議試驗如可合用請爲詳咨獎勵自可照准即經函飭轉致遵照在案現呈業已自行備籌款項准於六月晉省開工仰即妥慎構造務底於成期足比美外洋是爲至要

一私梟拒捕照章格殺勿論但每有無知鄉民於鹽捕營捕匪之時往往逼近環觀迨經飛彈誤傷則又鳴鑼聚眾毆勇奪械互控不已應由各營官隨時告知董保勸諭鄉民如遇本營捕匪務須立時遠離勿許近前觀看免致槍彈誤傷無可償命貽贖莫及之憂

一各營緊要港口駐紮師船中須聲勢聯絡不可過於單薄尤宜徹夜支更嚴防偷渡港口以內另須派船來往梭巡總期呼應靈通互相策應免為梟匪所乘從前中營焚船之案前鑒不遠不可不慎也

一上海現設食鹽事務所有收買私鹽之舉與鹽捕營頗有密切關係前由瑞前總統稟奉浙鹽憲批示收私緝私總以劃清租界內外為限如在界外毋論何處遇有私鹽仍應照章緝捕等語界限分明自應遵照辦理嗣後各營務督督率弁勇認真巡緝倘有私販影射連檣偷運或越界侵銷均應一體攔截緝拿懲辦即使執有旗照但未至租界之內仍應照章捕拿鹽解公棧旗照申繳來營以憑核辦不准任聽偷漏有碍銷數亦不得過於操切別滋事端是為至要

一新章宣佈後各營兵丁雖已補足然一日之間不能不有開單請假或病故等項仍應遵照瑞前總統刊發表式按旬填報并將截存空曠餉洋務於下月初悉數繳解來營聽候撥充公用倘有隱匿不報以多報少查出定將各該營官照吞餉例治罪

一各營緝私務以寬小販嚴大幫為宗旨定例肩挑步担如係老弱男婦在近場十里以內鹽在四十斤以內者例所不禁尤宜稍示體恤如係年壯之夫結隊成羣或勾引外來私梟橫行無忌仍行嚴拿究辦不可姑息至於私鹽秤手尤為梟匪之媒孽應由各營隨時訪拿送縣嚴辦務絕根株

一本代統行轅無論何項人等不要各營友破費一錢亦不准各營友剋扣兵勇一錢從前各營內有收支節禮陋規及借公攤派各項名目仍應一律禁革倘有不自愛仍蹈舊習一經訪查確實定即從重究辦決不寬宥

### 山西諮議局籌辦處預備議案簡章

#### 第一節 宗旨

第一條 本議案以增進本省利益研究關於諮議局一切議案預備議員之取材為宗旨

### 第二節 範圍

第二條 本議案預備之範圍謹遵憲政編查館所定諮議局章程第二十一條及六十二條爲主凡行政官權限及個人事件均不在範圍以內茲將諮議局章程關涉議案條文節錄於左以示範圍

第二十一條 諮議局應辦事件 一議決本省應興應革事件(庶政) 二議決本省歲出入預算事件(財政)

三議決本省歲出入決算事件(財政) 四議決本省稅法及公債事件(財政) 五議決本省擔任義務之增加事件(財政) 六議決本省單行章程規則之增刪修改事件(法律) 七議決本省權利之存廢事件(法律)

法律)

第二十五條 第二十一條所開第一條所開第一至第七各款除第二三款外諮議局得自行草具議案

第六十二條 本章程未盡事宜得由各省諮議局議具草案呈由督撫咨送憲政編查館會同資政院核議辦理

依右之條文可略分議案爲三種即第一庶政第二財政第三法律是此即本處預備議案之範圍也關於預備議案綱要俟後續訂

### 第三節 組織

第三條 本處組織預備議案分調查編制二部調查編制規則如左

一 調查部規則

(甲) 調查之分類 本議案調查分普通特別二種凡調查不指明何種事項是爲普通調查遇有特別問題得派專員必指明何種事件是爲特別調查

(乙) 調查之手續 先由省會入手以次推及各府廳州縣

(丙) 調查之方法 以通信爲主凡本省人民與本省利弊均有密切關係遇有一切應興應革之建白悉宜函

寄本處藉收羣策羣力之效

(丁) 調查之助力 凡本省調查局財政局巡警局學務公所教育會商會及各種社團由本處邀其允許聯絡調查以補本處所不及若認爲必要時並由本處向各局所調取章程規則表冊等以資補助

腿如針刺

○廣東製藥師患骹骨疼痛之症甚劇曾為韋廉士大醫生紅色補丸所治愈 骹骨疼痛係腦筋之疾所致也其病狀即腿後筋系刺痛自臂至膝痛不堪言有時祇在一腿有時兩腿皆痛其症甚危若輕忽不治必將成爲可畏之瘋癱症而盡奪其動作之力矣韋廉士大醫生紅色補丸爲補腦之聖藥曾治愈全球患骹骨疼痛者已不下數千萬人即如廣東沙基大街屈臣氏大藥房副經理周君耀輝亦爲諸多所治愈而感恩者之一也茲將其保證書照錄如左云○曩者余覺右腿刺痛日甚一日勢如針刺痛穿骨髓甚極痛極不克行走祇可將腿平置而坐每因受此痛苦以致不能供職久之其痛由而轉至左腿其勢更甚左腿發腫而又發炎不啻重加酷



廣東周耀輝先生患骹骨疼痛之症爲韋廉士大醫生紅色補丸所治愈

刑右腿如此衰頹爲人毫無生趣自維難望獲痊雖曾商諸醫士試服中慘楚日多驗後承友人之勸謂曾服韋廉士大醫生紅色補丸而藥絕無效得奇功者余即依言嘗試之不意韋廉士大醫生紅色補丸幾於余所患之症立見功效蓋余僅服一瓶其痛大減爰再耐心試服未幾痛苦全消十分全愈矣余深感韋廉士大醫生紅色補丸我腿疾甚願將此保證書登諸報牘以望世之同病者試服是丸而證其治疾之奇功也 韋廉士大醫生紅色補丸爲大英才智超羣聰穎絕倫之大醫生所

製造其聲名昭著於歐美澳洲以及南非洲已歷有年爲補血補腦之聖藥又爲醫治由血不潔血薄若水或腦筋失調所起各症之良方曾於諸般疾病中治愈 血惡虧症 諸虛白損 少年斷喪 陽萎不舉 風溼骨痛

骹骨疼痛 左癱右瘓 氣腳衝心 山林瘴氣 肝經各病 胃不消化 頭痛頭暈 瘡疥疔疹 胸膈疼痛

癆病初發 以及少壯婦女 經水不調 背骨疼痛 氣鬱不舒等症莫不其效如神焉 韋廉士大醫生紅

色補丸○中國各處商店藥局凡經售西藥之處均有代售或直向上海九江路B字第八號 韋廉士大醫生藥局

總發行處購買亦可 價銀每六瓶大洋八元每一瓶大洋一元五角 遠近郵費一律不取



# 勸賑隴災啟

敬啟者昨閱甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春雨雪愆期近會寧碾伯及各土司又先後報災邊地高寒水泉素乏童山彌望生植不饒一遇旱乾即成凶澁現被災之區草根樹皮掘取殆盡鄉間人口牲畜已多餓斃又接甘省紳士紛紛來函據稱該省至有人相食之慘窮民紛紛逃糧價日增麥已漲至每石三十六兩稻草已漲至每斤二十七文視向來不啻十倍伏念甘省僻在西陲地瘠民貧蓋藏本鮮此番被災時則三年之久地則數十州縣之廣人則百數十萬之多雖督臣奏上朝廷會撥帑金六萬散諸災區勢難彌給非再有巨款接濟何能救此哀鴻夫天災流行國家代有救災恤患義不容辭况甘民雖素稱良懦然飢寒所迫恐有鋌而走險之虞加以西北地方近接強鄰回亂以後元氣未復禍機一發何堪設想今日之救甘民為甘民計未嘗非為全局計也現上海諸公已發起助賑會無非出於愛國愛民之苦心同人復敢為甘民請命敬懇仁人君子慨然解囊量力輸助以便彙寄該省活此窮黎庶幾上紓朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處

北京驛馬市大街恆裕金店  
天津獅子林北洋官報總局

# 名醫到津廣告

啓者四川曾建侯大令精岐黃歷在鄂豫京奉各局所當差所至俱以醫名屢起沉疴茲來津厲買家大橋福祿棧有患病者幸勿失此機會特佈

錢聽彝啓

# 甘肅來電廣告

各報館鑒甘荒惟首府各屬為最重有四年夫收者需賑銀四十餘萬兩已有半數現得透雨又無子種尙望提倡以救災黎

甘肅士紳同叩

# 速救黎災

敬告者現值甘肅省亢旱異常赤地千里小民直有易子為食之慘狀不忍聽聞亟應勸辦義賑以資協濟如蒙諸大神商善長慨捐賑款請送至北馬路商務總會掣取收據以便彙解災區散放拯救災黎不勝盼切之至此佈

天津救急善會謹啓

# 新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋密等創設  
 新廠自丁未臘月新廠開機以來出貨加增行銷愈廣灰質經本廠西洋化驗  
 師悉心研究精益求精會寄由德國國家栢林及日本關東都督府各化驗所  
 驗得動力堅力及凝結時刻灰之粗細均合要工所用其成色與外洋最高之  
 貨相等尚有機器製造之缸磚花磚洋灰瓦水溝管矸子土等項無論躉零交  
 易均可本公司總理處設在天津海大道英租界並在天津奉天大連烟台牛  
 莊青島上海漢口南京鎮江各埠均設有經售處如蒙賜訂大批價值從廉  
 交貨不悞期限所有洋灰及各種磚瓦等件重量式樣大概用法另刊有華洋  
 文廣告 光顧諸君請向本公司索閱面議一切可也  
 德律風一千三百零九號

## 利文洋

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參歲等處均設有年諸班貨物由外洋本機器廠自造  
 蘭洋鐘皮套鐘天文坐卦等鐘以及金銀夾金鋼鋼等表約有二百餘宗並各樣表練金鑲珠寶  
 鑽石戒指耳墜鑲子表墜大小八音盒並留聲話匣單雙桶千里眼砗磲磨花穿衣鏡妝梳洋鏡  
 本行主人啟

## 瑞林祥元記 綢緞洋貨

本號開設北京前門外鮮魚口天津估依街中間路北山東濟南府院西路北自置綢  
 緞紗羅顧繡粧蟒洋貨布疋各色喇哩厚呢京廣什貨俱全貨高價廉劃一不二後廳內專售  
 線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸  
 瑞林祥元記具

## 武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額  
 磁銅料器磁藍 奇巧美術玩器 學界文房用品 旋行携帶等件 精工製身物料  
 定織各色磨氈 現又擴充樓房 極其寬闊高大 如蒙官商光顧 價值格外從廉  
 本行隨便入覽 電話一千三百七十四號 天津法租界 武齋洋行謹啟

# 請看賣字助賑廣告

鄙人近因甘肅連年荒旱哀鴻遍野其慘狀令人不忍聽聞津門官紳商學醫藝各界均紛紛提倡助賑共成善舉鄙人毫無片長願以筆墨聊盡義務庶集腋之資或可補救於萬一自六月二十日起至九月二十日止以後無論潤資多寡概不收售今仍仿上年江北水災書畫慈善會辦法賣字助賑之款按月登報全數匯交災區如蒙賜件請交鍋店街宜蘭堂南紙局日界紅杏飯莊及英國菜市鄧公館代為交收潤資先付七日取件今將潤格各款列後

四尺楹聯

隸書篆書真書每付一  
行書草書六朝每付五  
元六角 一元五角  
角六尺八 角

四尺挑山

隸書篆書真書每條一  
行書草書六朝每條八  
元一角 一元八角  
角六尺一 元鐘鼎集錦加倍

四尺屏幅

隸書篆書真書每四扇二  
六朝行書草書每四扇一元六角  
元六角 二元  
元鐘鼎集錦加倍

鐘鼎各體  
團摺扇每件五角  
行書每件二角

名片真書六朝分書每名三角大匾一尺字起碼每字五角如字多字大照加

故城陳筱華謹啓

## 津紳籌募甘賑公啟

敬啓者甘省僻處西陲連年苦旱蘭涼各屬被災尤甚今春兼以雨澤愆期荒旱日亟小民賣兒鬻女覓食維艱以至草根樹皮剝掘殆盡人畜餓斃慘不忍聞甘省督藩乞賑各省函電紛馳雖經奏請朝廷發帑賑恤然災區較廣偏給維難凡屬同胞詎宜膜視敬乞樂善大君子酌解囊餘不拘多寡吾人盡一分義務甘民活一分性命倘蒙允許請將該款送交北門內大宜門西引善社賬房代收掣取收據俟集有成數再由同人登報公布並公同提交甘省籌賑處匯寄災區以資散放甘民幸甚

發起人 劉恩渠 戴元樹 吳國蕃  
贊成人 胡家祐 蘇景昌 徐嘉璣 郭漢章

# 本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧願加獎譽茲為推廣招徠起見自本年起承印各項價目格外減讓以副官商雅意如蒙賜顧請至本局賬房面議可也

## 賣字助賑諸君請看

敬啟者鄙人因甘省荒旱異常凄慘萬狀竊踵紳商醫界後願效綿力仿照上年江北水災賣字助賑辦法計以三月為限所得潤資全數充賑旬日以來頗蒙社會所歡迎茲因發起伊始各處相繼賜件沓來紛至應付不遑鄙人作嫁依人日無瞬息於應盡責任內又不敢稍有放棄致負天職惟念甘省災區甚廣此次潤格又極從廉若不稍事變通移緩就急恐一經限滿則收件雖多而集資無幾似不足以濟要需而副厚望茲承諸同志忠告囑將潤格重行改訂略為酌增以期有濟原訂六月二十一日實行先擬試辦一月查看情形為再為續辦以符原訂三個月期限所得潤資儘行助賑如蒙賜件請仍送交北馬路華勝燭皂公司或舊北門內永泰合洋貨舖及舊東門內冰窖胡同瑞恆錢局代為交收庶不致悞潤資先付七日取件茲將酌減潤格列下以供衆覽幸垂諒焉

七言楹聯一元四角  
四尺挑山一元二角  
四尺屏幅四扇一元二角  
八扇五角  
密股不書  
名截一角  
連號兩角  
不在單者另議

章武願連城謹啟

## 京奉鐵路局廣告

啟者新民府一帶潦水已退本路往來火車照常通行特此佈聞  
京奉鐵路局車務處謹啟

## 京奉鐵路局廣告

啟者本鐵路天津至北京又塘沽至胥各莊各段內應行別換舊道本約有一萬八千餘根其餘各段約有三四萬根現擬投標出售如願購買每根出價值若干開列封在信封內寄交本局華收支處彙齊定期開標特此佈聞  
京奉鐵路局謹啟